

KNI



STRATEGI 2023 - 2026



IMAI

Aallaqqaasiut

Periusissiap illutaa

Atugassarititaasut

Siunertat

Periusissiornermi qulequttat

Suliassap piffissalersornera

Aningaasaqarneq

KNI-mi siulersuisut, aqutsisut sulisullu suleqatigiinnerisigut
periusissiaq suliaavoq.



AALLAQQAASIUT

KNI-p maannakkut periusissiaa 2013-imi tunngavilerneqarpoq, taamanikkut suliffeqarfiup naleqartitai (akisussaassuseq, nutaamik eqqarsarnek, suleqatigiinneq, pisisartunik qitiutitsineq) ilaatigut pilersinneqarlutik. Pingaarnertut siunnerfik tassaasimavoq imminut akilersinnaasumik pisisartullu pisariaqartitaannik paasinnilluni ingerlatsinissaq. Siunnerfik tamanna periusissiorluni aallarteqqaarnermiit periusissiani kingullerni marlunni ingerlateqqinneqarpoq, tassalu pisisartut pisariaqartitaat inuiaqatigiinnilu ineriartorneq annertuumik eqqummaariffigineqarlutik pingaartinneqarnikuullutik. Tamanna KNI-p takorluugaani takuneqarsinnaavoq:

Pisartuvut kalaallilu inuunerat ilorleq isumassarsiorfigalutigit nunatsinni tamarmi inuunermik pitsaanerulersitseqataassaagut pijuartitsisumillu ineriartortitsissalluta.

KNI taamatut periusissiornermini arlalippassuartigut iluatsittumik ingerlatsinikuuvoq suliffeqarfillu ullumikkut kalaaliussutsimik annertuumik peqarluni kiisalu sumiiffinni inuuniarnermi nunatsinnilu sumiiffippassuarni inuunermut qitiulluinnarluni inissisimalluni. Taamatullu inissisimanerput attatiinnarumavarput.

Sulianulli pissusissamisunngitsunut tunngasut arlariit ukiuni kingullerni tamakkiisumik ingerlatalugit suliarineqartariaqarsimapput, taamaattumillu suliniutit ilarpassui uninngatinneqartariaqarsimallutik. Suliffeqarfiup naatsorsuutaanik torersaassinnermi paasineqarpoq suliffeqarfiup ilaani pitsaasumik niuernikkut ingerlatsinissamut aningaasat naammattut pisariaqartinneqartut angusarineqarneq ajortut. Suliat tamakku inuiaqatigiinniit annertuumik malinnaavigineqarput suliffeqarfiullu isigineqarneranut, uppernassusaanut sulisullu naammagisimaarinninnerinut pitsaanngitsumik assut sunniuteqarsimallutik.

Periusissiami nutaami KNI-p niuernermi ingerlataani ajornartorsiutit sunniuteqarnerpaajusussat suliffeqarfimmillu ineriartortitsitseqqinnissaq immikkut sammivavut. KNI nukittorsassavarput, taama illilluni suliffeqarfiup inuiaqatigiinni sumiiffinni tamani pingaarnertut suliassami suliarinissaanut sakkussaqluarsinnaalersillugu. Periusissiornermi suliassat KNI-mi ingerlatat tamarmik aningaasarissaarnerunissaannut iluaqutaassapput - nioqquteqarnermik ingerlatsivik immikkut samminerullugu - taamatullu suliaqarnermi illuutinik iluarsartuussinissamut kinguaattoorutit angummaffiginiarneqassapput suliffeqarfiullu illuutaanik ikilisaasoqarluni. Sunniuteqarluarnerusumik ingerlatsinissaq niuernermillu ingerlatanik nutaanik ingerlatsiniarneq pisariaqarpoq aammali niuernermik ingerlatanik ineriartortitsissagaanni IT-qarnermi atugassanik aamma nutarsaasoqartariaqarluni. Suliat tamakku saniatigut sulisut suliannik suli nuannarinninnerulernissaat sulisussallu eqqortut sulilersinnaanissaat sulisooreersullu suliinnarnissaat anguniarlugu suliniutit assigiinngitsut suliniutigineqassapput.


Inuiaqatigiinni allanngoriartortoqarpoq, taamaattumillu KNI-mi aaqqissuussisimanerput suleriaaserisartakkavullu aamma sunnerneqarlutik, allanngoriartortoqarnerali aamma nutaanik periarfissiivoq. Aaqqissuussineq eqqarsaatigalugu siunissamut ungasinnerusumut isigisumik KNI aaqqiissuteqartassaaq aammali inuiaqatigiinni allanngoriartortoqarnerani periarfissat nutaat takkussuuttut atorluarnerunissaannut tappinnerusariaqarluni.

Ukiorpasuit ingerlanerini KNI-mi ineriartortissimasavut pitsaasut attatiinnassavavut aammalu ajornartorsiutit nalaakkumaakkavut angusaqarluarfiussamik siunnerfeqarluta aaqqiivigisarumaarlutigit. Tamanna aamma isumaqarpoq suliffeqarfimmik uummaarinnerusumik allannguissamik kiisalu qanoq suleriaaseqarnitsinnik eqqarsaatiginneqqinnissaminut sapiutinngitsumik pilersitsissasugut.




PERIUSISSIAP ILLUTAA

ANGUNIAKKAT
SAMMISAT
SULIASSAQ NALEQARTITAT



TUNNGAVISSATUT PIUMASAQAATIT

KNI-p iluani avataanilu atugassarititaasut KNI-p ingerlataanut tamanut sunniuteqartarput



SULIFFIUP ILUANI ATUGASSARITITAASUT PINGAARNERIT

Iluarsaassinissamut kinguaattoorutit

Nioqquteqarnermik ingerlatsivimmi iluarsaassinissamut kinguaattoorutit 500 mio. kr. missaanniittutut nalilerneqarpoq. Iluarsaassinissamut kinguaattoorutitut akissat isertitatigut pissarsiarineqassapput. Iluarsaassinissamut kinguaattoorutit ukiut 30-t ingerlanerini ikilisarnissaannut nioqquteqarnermik ingerlatsivimmi ukiumut 90 mio. kr.-nik aningaasaliinissaq pisariaqarpoq, tamannalu isumaqarpoq nioqquteqarnermik ingerlatsivik ukiumut 65 mio. kr.-inik sinneqartoortarnissaa pisariaqartoq.

Ikummatissaqarnermik ingerlatsivimmi iluarsaassinissamut kinguaattoorutit 300 mio. kr.-it missaanniittutut nalilerneqarpoq. Kinguaattoorutit ukiut ingerlanerini atuisut akilissagaat Namminersorlutik Oqartussat akuerinikuuaat, taamaattumillu kinguaattoorutit angummaffiginiarnissaannut piffissaliussaq qanorlu sinneqartoortiginissaq kiffartuussinissamik isumaqatigiisummi nassuiarneqarput. Kinguaattoorutit 2025-mi angummaffigineqarnissaat 2032-mut sivitsorneqarpoq, ukiumullu sinneqartoortutissatut 58 mio. kr.-it piginnittunut isumaqatigiissutigineqarpoq.

Sulisussarsiniartarneq

Sulisussarsiniartarneq suliffeqarfimmi tamarmi ajornartorsiutaavoq, ajornartorsiulli pisiniarfinni annersaavoq, tassami niuertut assut taarseraapput. Ajornartorsiut tamanna aaqqiiviginiarlugu piariaqarpoq 1) ilinniartitsinermik ingerlataqartuarneq, 2) niuertut suliassaat qarasaasiakkut suliarineqarsinnaanngortillugit oqilisaaneq suliassallu ilai kiffartuussivimmut nuullugit 3) atorfeqartitaanermi atugassarititaasunik nalinginnaasumik pitsanngorsaaneq.

Qarasaasiakkut suliaqarsinnaaneq nutarsaavigineqarsimanngitsoq

Qarasaasiakkut suliaqarsinnaaneq ullutsinnut naleqqutinngilaq, taamaattumik suliassat nammineerlutik ingerlasalernissaannut suleriaatsinik niurnermilu ingerlatsinermi suleriaatsinik pisariillisaanissamut kiisalu pitsaassuttip qaffannissaanut nakkutilliinerup annertusarnissaanut piffissap periusissiorfiup nalaani immikkut suliaqarfigineqartariaqarpoq aningaasaliiffigineqartariaqarlunilu

Inuit nutserarnerat

KNI-p sumiiffinni tuniniaalluni ingerlatsivianinngaanniit pisisartut 1 %-iit allamut nuuttarput, taamattoqarneranilu nioqquteqarnermik ingerlatsivik ukiumut 2,5 mio. kr.-it missaanniittunik annaasaqartarpoq. Isertitassaraluit tamakku isertinneqanngitsoortartut kiffartuussinermi isumaqatigiissutikkut Namminersorlutik Oqartussanit matussuserlugit akilerneqarneq ajorput, matussusiinissamulli akit qanoq qaffanneqarsinnaatiginerat kiffartuussinissamut isumaqatigiissutikkut killilersimaarneqarput.

Attaveqaasersuutit

2024-mi mittarfeqariaatsikkut nutaamik aqqqissuussisoqarpat tamanna KNI-p uuttuutigisartagaanut sisamanut pitsaanngitsumik sunniuteqassaaq:

- Inuit nutserarnerat sukkatsissaaq, tassami Kangerlussuup Narsarsuullu ilaatigut 2024-mi suli inuerukkiartornerunissaa naatsorsuutigineqarpoq.
- Kangerlussuarmi Narsarsuarmilu Mittarfeqarfiit nioqqutissanik ikummatissamillu pilersuinerisa ilaat KNI-mit tiguneqarnissaat naatsorsuutigineqarpoq.
- Nuummi Ilulissanilu timmisartup orsussaanut ikummatissaasivissanik pilersitsisoqassaaq.
- Takornariat amerlippata umiarsuarnut takornariartaatinut ikummatissamik tunisaqarnerunissap amerlasuukkaanillu tunisaqarnerulaalernissap kinguneranik inuiaqatigiinni aningaasaqarnerup siuariarfiunissaa naatsorsuutigineqarpoq.

Inatsisit

KNI-p amerlasuukkaanik aamma pisiniarfinni nioqquteqarnissaa, aalisakkanik imarmiunillu nioqqutissiorneq, toqoraaveqarnikkut nerisassanillu allanik nioqqutissiorneq kiisalu nunaqarfinnut immakkut assartuineq ilaasunillu angallassineq KNI-mut tunngatillugu peqqussutip nammineerluni killiliiffigaa. KNI-lli ingerlataqarsinnaanera nunap immikkoortuini aalajangersimasumi taamaallaat ingerlanneqartussanngorlugu aqqqitaanngilaq. Tassa imaappoq, illoqarfinni anginerusuni ulluinnarni nioqquteqartussanik pisiniarfinnik pilersitsisinnaaneq aporfissaqartinneqanngilaq.

Poortuutissat pillugit nalunaarut nutaaq KNI Engrosip immiaaqqanik sodavandinillu siuttuulluni tuniniaasuuneranut sunniuteqarsinnaavoq. Poortuutissat pillugit nalunaarut naapertorlugu immiaaqqanik sodavandinillu qillertusaniittunik tuniniaasoqarsinnaalissaaq, nassiussuisarnerlu Nuumminngaanneerunnaarluni Danmarkikkoortalissammat amerlanernik noqqaasarfittaartoqarnissaa naatsorsuutigineqarpoq.

Piginnittut periusissiaat

Piginnittut periusissiaat ilaatigut tunngavissatut isumaqatigiissutitigut kiffartuussinissamilu isumaqatigiissutitigut atortuulersinneqartarpoq. Piginnittunut akiliutissaq ikummatissaqarnermik ingerlatsivimmi kiffartuussinissamik isumaqatigiisummi aningaasartalerneqartussaq eqqaassanngikkaanni kisitsisit najoqqutassat allanngorarnerinut tunngatillugu piginnittut allanik piumasaqaateqanngillat.

Tunngavissatut isumaqatigiisummi aalajangerneqarpoq:

- Nioqquteqarnermik ikummatissaqarnermillu ingerlatsiviit akunneranni aningaasatigut nuussisoqarsinnaanngilaq.
- Suliffeqarfiit, aqqqissuussaannerit pisortallu suliffeqarfiutai allat sullillugit kiffartuunnissaannut KNI isumaqatigiissusioqquneqarsinnaavoq. Isumaqatigiissutit tamarmik ingerlatsinermut piumasaqaatinik imminut illersorsinnaasumik isumaqatigiissutigineqartassapput minnerpaamillu KNI-p kiffartuussinermi ataatsimoorullugu ingerlatsineranut matussusiinnaasassallutik.

KNI-p Namminersorlutik Oqartussanut kiffartuussinissamik isumaqatigiissutaa kiisalu KNI-p ingerlataasa nalunaarsorsimaffiat ilanngussami C-mi sukumiinerusumik atuakkit.

ANGUNIAKKAT

ANINGAASAQARNEQ OQIMAAQATIGIISQ

KNI-p aningaasaqarnera ataqatigiissuussaaq oqimaaqatigiillunilu. KNI-p suliasani pingaarnert siunissami ungasinnerusumi aamma suliarisassappagit aqquersuutitut, systemitut sulisunullu aningaasaliinissatsinnut naammattunik sinneqartoortarnissarput pisariaqarpoq.

KNI illuutimi ikummatissaasivimmilu iluarsaannissaannut ullumikkut assut kinguaattooqqavoq. Siunissami suliffeqarfimmut iluaqutaasussanik suliasat qarasaasiakut suliarineqartalernissaannut aningaasaliinissaq aamma pisariaqarpoq. Siunissami ungasinnerusumi iluarsaassinissamut kinguaattooqqittoqassanngippat KNI-p nukittuumik aningaasaqarnissaa pingaaruteqarpoq.

KNI aningaasaqarnermigut ajornartorsiorpoq ajornartorsiorpoq - pingaartumik nioqquteqarnermik ingerlatsivimmi - qanorlu iliuuseqanngikkutta pissutsillu akueriinnarlutigit, taava suliffeqarfiup aningaasaqarnera oqimaaqatigiilernavianngilaq. Oqimaaqatigiinngittoqassappallu kinguaassatta suliarisariaqaligaannik akiligassanik allanik nutaanik aamma pilersoaqassaaq.

Suliffeqarfiup akiligassai piginnittunullu akiliutissat matussusernissaat isumagisinnaasariaqarpavut.

Aningaasaqarnermik oqimaaqatigiissumik oqaraangatta tamanna isumaqarpoq suliffeqarfiup pingaarnertut anguniagaasa pisussaaitaaffiisalu eqquutsinneqarnissaannut sinnilimmik isertitaqassanngitsugut.



SULIFFEQARFIK UUMMAARIFFIUSQ ORNIGINARTORLU

Uummaariffiusumik allannguutinullu tikulluaqqusisutut suliffeqarfiumujumavugut kiisalu siunissamut qaninnerusumut aaqqiissuteqartarnerit pinnagit siunissamulli ungasinnerusumut isigisumik pingaarnersiulluta siunnerfeqarlualutalu aaqqiissuteqartarumalluta.

KNI peqqinnartumik pilersitsiviusumillu suliffeqarfiusutut ilisimaneqassaaq kiisalu pilersuisussaatitaanermi suliassat ingerlatsiviit sumiiffillu tamarmik suleqatigiilluarnermikkut ingerlatsivigisisartagaat.

Suliffeqarfimmi aqutsisut peqataatitsinermikkut akuersaarnermikkullu kajumissaarisaraangata sulisut suliffimminni atugarissaarnerusartut upperaarput - aamma isumassarsiat pitsaasut saqqumminneqarnissaannut tusarnaarneqartarnerisigut.

Assigiinngitsorpassuartigut ilinniagaqarsinnaatitsinikkut pikkorissarsinnaatitsinikkullu ulluinnarni ingerlatsinermi suliassat suliarinissaannut piginnaangorsaasoqarnissaa pingaartillugu ingerlanneqarpoq, tassami pisisartut assigiissaarnerusumik misigisaqartarnissaat sulisullu tunniusimasut KNI-mi atorfimminni qaffakkiartorsinnaanissaat qulakkeerusupparput – sumiluunniit najugaqaraluarunik qanorluunniillu atorfeqaraluarunik.

KNI-p suliffeqarfittut avammut nittarsaannerani suliassavut isumaqarluartutut inuiaqatigiinnullu pingaaruteqartutut, suliffimmik avatangiiserissaarfiusutut ilinniartitaanernillu piginnaangorsarfiusinnaasunik ingerlataqarnerput saqqummiuttarparput.



ALLANNGORIARTORTOQARNERANUT NUKITTUNERUSUMIK TUNNGAVISSAQARTITSINEQ

Pingaarnertut suleriutsitta suliffeqarfiullu suliaassaataasa qarasasaasiakkut suliarineqartarsinnaanngornissaannut ineriartortitsinikkut pissutsinut allanngoriartortunut KNI-p pitsaannerusumik toqqammaveqarnissaa pilersissavarput, taamalu ililluta niuernikkut ingerlatat siunissamilu siuariartorfissat anguneqarsinnaalluartunngortillugit.

Suliffeqarfiup niuernermit ingerlataani suliaqarnissamut qarasasaasiakkut suliaqarsinnaaneq inorsarnikuummat KNI-mi allannguisinnaaneq ukiorpassuarni ajornakusoorsimaqaaq, tamannalu siunissami ineriartornissamut akornutaasimavoq.

Allanik isertitaqarsinnaalernermi niuermilum nutaanik ingerlataqarsinnaalernermi periarfissaqaleraangat atorluaasassaagut. Taamaattumik suliaasat qarasasaasiakkut suliarineqartalernissaannik niuermilum suleriaatsitta ineriartortinnissaannut pitsaannerusumik aaqqiissuteqartarnissaq ujartussavarput.

Nakkutilliineq aamma niuermik nutaaliaasunik tunngaveqarluni ingerlatsinissamut aqqutissiuisussaq qulakkiigassaraarput.



NALEQQUSSAANIKKUT NUTAALIORNIKKULLU SIUARIARTORNEQ

*Niuernermi pingaarnertut ingerlatareriikkatsinnik nutaatullu
ingerlatilerumaakkatsinnik ineriartortitsinitsigut siuariartortitsissaagut.
Pitsaanerpaamik aaqqiinissaq avataaneersunik suleqateqarluni aatsaat
pisinnaappat isumaqatigiissusiortarnikkut ajornanngippalli nammineerluta.*

Inuiaqatigiisugut kulturerpullu nunarsuarmiit avatitsinni pisuniit
sunnerneqaleraluttuinnarpoq isumassarsiornerlu avammut sammileriarlorluni,
taamaattoqarneranilu periarfissanik, pisariaqartitanik ajornartorsiutinillu nutaanik
atugassaqtitsiuarpoq. Tamanna atugassarititaasutut peqqissutsimullu ersiutitut
isigaarput.

KNI Engros immikkut qitiutillutigu siuariartortitassatsinni kaaviiartitatta
qajannaannerusumik aaqqiiviginissaannut ineriartortitsissaagut - taama ililluta
kiffartuussinitta unammillernittalu nukittorsarnissaannut suleqateqartassalluta.

Atisat atortussallu nammineq ineriartortitavut siunnerfeqarluarluta nutaaliorluta
ineriartortittuarpavut. Nioqqutit KNI-mi nammineerluinnarluta ineriartortittakkavut
nunarsuarmiooqataanerput, ulluinnarni inuunerput kulturerpullu
isumassarsiorfigalugitigit ingerlattarpavut.

Nioqqutissiatsinnut pingasunik piumasaqaatitaqarpoq: Ullutsinnut naleqquttuullutik
iluqaataasinnaassapput nuannaarutaallutillu kiisalu KNI-p isigineqarneranut
unammillerneq eqqarsaatigalugu pingaaruteqassapput.



INUIAQATIGIIT PEQQINNERUSUT PIUJUARTITSIVIUNERUSULLU

Nunatta pitsaanerulernissaanut nukittunerulernissaanullu KNI tunniussaqaqataalluni suleqataassaaq - nammineq suliaqartarnermigut aammali assigiinngitsunik amerlasuunik suleqateqartarnermigut.

Pilersuinermik ingerlataqarnitsigut innuttaasut inuiaqatigiillu ulluinnarni inuuniarnerminni toqqammavissaannik ingerlataqarfigisatsinni pilersitsisarpugut - suliassaq qanorluunniit angitigigaluarpat sumiikkaluarpalluunniit. Taamatut ittoqarnerani peqqissuseq piujuartitsinerlu qanoq suliaqarfigissaneripput tunngavilerneqarpoq siunnerfilerneqarlunilu.

Kikkut tamarmik peqqissuunissaminnut inuunerissaarnissaminnullu pisinnaatitaaffeqartut isumaqarpugut kiisalu tamanna inuiaqatigiit piujuartitsiviusumik ineriartornissaannut tunngaviliilluinnartuusoq. Taamaattumik inuiaqatigiit peqqissuunissaannut assorsuaq tunniusimalluta suleqataaffigaarput. Suliassaq tamanna imaaliallaannagassaanngilaq sivirusumillu suliarisariaalluni, uagullu taakkoorusuppugut suliassami tamatumani siuttutut ingerlataqartuusut. Peqqissutsimut eqqarsaatersorluarluta isummertarpugut: Kalorianik kisitsineq annerusumik pineqarani kisiannili inuunitsinni timitta aalatinnerunissaa eqqarsartaatsikkullu oqimaaqatigiissumik inuunissamut isumassarsiortitsinissaq annerusumik pineqarpoq.

Peqqissutsimut suliniutivut kulturitsinut pingaartitatsinnullu naapertuuttumik ingerlattassavavut, pisisartuvut sulisuvullu taama ilillutik isumassarsiorsinnaatillutigit siunnersuutittalu ulluinnarni peqqinnarnerusumik inuuneqarnissaannut pivusorsiortumik siunnersuutitsialattut isiginiassamatigit.

Peqqinnissamut suliniutitta saniatigit piujuartitsinissaq pillugu suliffeqarfitsinni tamani aamma suliaqartarpugut. Ikililerisarpugut, atorunnaarsikkiartuaagaqartarpugut, nukissiuutini atorluaaniartarpugut kiisalu piujuartitsinissaq siunertaralugu qarasaasiakkut suleriaatsinik atuutsitsilertarpugut nioqqutittalu plastikkinik puullit utertinneqarsinnaaneritut aaqqiissuteqartarluta.



PERIUSISSIAT QULEQUTAAT

Periusissiami suliniutissat qulequttat immikkut sammineqartussat arfinilinnut immikkoortiterneqarput. KNI-p periusissiamik suliaqarnerata nalaani qulequttat tamarmik suliniutinik assigiinngitsunik imaqarput. Suliniutit nalunaarsornerat qanorlu piffissalernerqarnerat aningaasalersorneqarnissaallu ilanngussami A-mi takuneqarsinnaapput kiisalu suliniutit tamarmik nassuiarnerqarnerat ilanngussami B-mi atuarneqarsinnaallutik.

SAMMISAQ TUNNGAVISSATUT PIUMASQAATIT

KNI-p periussissiamik suliaqarnerata nalaani qanoq iliuuseqarsinnaanera tunngavissatut piumasaqaatinut annertusitinneqanngikkuni annikillineqarpoq. Sunniuteqartussallu tassaapput suliffeqarfiup iluani tunngavissatut piumasaqaatit oqaluttuarisaanermut tunngassuteqartut imaluunniit tunngavissatut piumasaqaatit avataaneersut KNI-mut sunniuteqartussat, taakkulu tamaasa isummerfigisariaqarpavut.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaarnersiui eq
KNI ataatsimoorfiusoq	Qullersaqarfik	1
Nioqquteqarnermik ingerlatsivimmi iluarsaassinissamut kinguaattoorutinik ikilisaaneq	Illuutitut sanaartukkanullu immikkoortortaqarfik	1
Ikummatissaqarnermik ingerlatsivimmi iluarsaassinissamut kinguaattoorutinik ikilisaaneq	Polaroil	1
Poortuutissanut peqqussut nutaaq imigassanillu aalakoorartulinnik pisiniarfiit ilaasa tuniniaanerart	Qullersaqarfik	2
Timmisartunut mittarfittaartornissamut naleqqussaaneq	Qullersaqarfik	2
Aningaaseriviit siunissami aningaasalersuinissaannut qulakkeerinninneq	Aningaasaqarneq	2
Aningaasaqarnikkut aqqissugaanermik piginnittunullu akiliutissanut politikkimik pitsanngorsaaneq	Aningaasaqarneq	3





SAMMISAQ INGERLATSINERMI PITSANNGORSAANEQ

KNi oqimaaqatigiissumik aningaasaqalissappat niuernermik ingerlateriikkatta pitsanngorsaaviginissaat pisariaqarpoq, tamannalu pitsanngorsaanikkut aningaasartuutikillisaanikkullu anguneqassaaq.

Taamatut suliaqarnissami niuernikkut ingerlatatigut naleqqussaanikkut imaluunniit suliaqariaatsitsinnik pitsanngorsaanikkut atugassarititaasunik sapinngisamik atorluaasussanngornitsigut pisinnaavoq. Kaaviiartitat isertitallu sunnerneqannginnissaannut kiffartuussinermik naleqqussaanissaq oqimaaqatigiissoq angussallugu pingaarteqarpoq.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaarnersi uineq
Pitsaanerumik pisiortortarnissamik aaqqissuussineq	Nioqquteqarnermik ingerlatsivik	1
Nioqqutit qiniataagassat tuniuminaatsullu ikinnerusut	Nioqquteqarnermik ingerlatsivik	1
Sanaartukkanik sunniuteqarnerusumik ingerlatsineq	Illuutitut sanaartukkanullu immikkoortortaqarfik	2
Pisiniarfinni kiffartuussinermik naleqqussaaneeq pitsanngorsaanerlu	Nioqquteqarnermik ingerlatsivik	2
Noqqaasarfinnut akiligassat aningaasalersorneqarnerat	Aningaasaqarneq	3
Engrosimi akeqartitseriaatsimik nioqqutigisinnaasanillu naleqqussaaneeq	Nioqquteqarnermik ingerlatsivik	3

SAMMISAQ ISERTITASSAT NUTAAT

KNI oqimaaqatigiissumik aningaasaqalissappat niuermik ingerlataareersut pitsanngorsarnissaannaat naammanngilaq. Nutaanilli kaaviiartitsissutissanik isertitsissutaasussanillu nutaanik pisariaqartitsisoqassaaq. Qulequttami tamatumani KNI-p niuernikkut ingerlateriigaani tunngaveqarluni suliniutinik suliaqarneq ingerlanneqassaaq kisiannili tunisaqarnerunissamik nutaanik pisisartortaarnissamik nutaanillu tuniniaaveqalernissamik ineriartortitsinissamik siunnertaqarfiussalluni.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersuiiffiusaaq:

Ateq	Immikkoortortaq akisussaasoq	Pingaarnersiuineq
Pisiniarfinni siuariartorneq	Nioqquteqarnermik ingerlatsivik	1
Pingaarutilinnik Engrosip suleqatigisartagassaanik isumaqatigiissusiorneq	Nioqquteqarnermik ingerlatsivik	1
Nuummi nutaanik quersuartaarnissamik nalilersuineq	Nioqquteqarnermik ingerlatsivik	2
Meqqusaalik aamma KNI-mi ilusilersukkat pissarsiarineqarsinnaanerat annertusarlugu	Nittarsaassineq	2
Allamut sullissinissamut isumaqatigiissutinik nutarterineq	Nioqquteqarnermik ingerlatsivik	2
Nuummi JET A-1-imut ikummatissaasivik	Polaroil	2





SAMMISAQ QARASAASIAKKUT SULERIUSEQALERIARTORNEQ, SULERIUTSIT NAKKUTILLIINERILLU

KNi niuernermik ingerlatalittut ineriartortissagutsigu suleriutsitsinnillu pitsanngorsaalluta taava qarasaasiaq atorlugu suliaqarsinnaaneq suleriutsitsinnillu paasinnilluarnissarput pitsanngorsaannissarpullu pisariaqarpoq.

Qulequttami tassani suliniutissat KNi-p qarasaasiakkut suliaqarsinnaanermik aqqiinissaanut siunnerfeqartinneqassapput taamalu ililluni pingaarnertut niuernikkut ingerlatat pitsaanerusemik ingerlanneqarnissaat siunissamilu siuariartortitsinissamik allannguutinullu qularnaarinnissutitut innerneqassallutik.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuffiussaaq:

Ateq	Immikkoortortaq akisussaasoq	Pingaarnersuineq
ERP systemmik nutaamik atuuttunngortitsineq	Periusissiaq niuernikkullu ineriartortitsineq	1
Suleriutsit nakkutilliinerillu	Periusissiaq niuernikkullu ineriartortitsineq	1
Qarasaasiakkut suliaqarsinnaanngorsaaneq ingerlatsinermilu akiligassanik akuersisarneq	Aningaasaqarneq	2
Periusissiornermi ingerlatsineq aamma Nalunaaruteqartarneq	Periusissiaq niuernikkullu ineriartortitsineq	2
Knigl-ip isikkuata imaasalu nutaanngortinnerat	Nittarsaassineq	2
Sulisoqarnermi immikkoortortaqarfiup qarasaasiakkut suliaqarsinnaanngorsarnera	Sulisoqarnermut immikkoortortaqarfik	2

SAMMISAQ SULISUT AAMMA SULISOQARNERMUT IMMIKKOORTORTAQARFIK

KNi suli nukittuninngorlugu ineriartortissagutsigu sulisut piginnaaneqarlutut sulisoriinnarsinnaasariaqarpavut sulisussanillu pikkorissunik nutaanik sulisussarsiniartarnerput suli pitsanngorsaavigisariaqarlutigu. Tamanna isumaqarpoq suliffimmi qaffakkiartornissamut periarfissat amerlanerusut, pitsaannerusut ersarinnerusullu pigisariaqarivut.

Suliffeqarfimmi kultureqarnerput siunnerfeqarluarluta sulisut ilisarisinnaasaannik isumassarsiorfigisinnaasaannillu attatiinnassavarput ineriartortillugulu - minnerunngitsumillu suliffeqarfitsinni naleqartitavut avammut annerusumik saqqummiuttassallutigit.

Kiffartuussivik sineriammilu sulisut akornanni pitsaannerusumik ataqatigiiffiusariaqarpoq, taamaattumik kiffartuussivimmiit suut naatsorsuutigineqarsinnaanersut ersarinnerusariaqarput.

Taamatut eqqummaariffiginnilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaarners iuineq
Sulisussanik nutaanik orniginartunngorsaaneq sulisooreersullu sulisoriinnarnissaat	Sulisoqarnermut immikkoortortaqarfik	1
Ilinniartitaanerit sunniuteqarluartut, nittartakkakut ilinniartitsinermik ingerlatassaq ilanngullugu	Sulisoqarnermut immikkoortortaqarfik	1
Kiffartuussivimmi sinerissamilu suliassanik agguasseqqinneq	Pisortaqatigiit allatseqarfiat	2
Sulisut naammagisimmaarinninnerat attatiinnarlugu	Sulisoqarnermut immikkoortortaqarfik	2
Sulisunut atugassarititaasunik naleqqussaaneq	Sulisoqarnermut immikkoortortaqarfik	3





Inuiaqatigiinni akisussaaqataaneq - CSR

Nunarput tamaat ingerlataqarfigigitsigu inuppaasuit inuunerannut ulluinnarnilu atugaannut assorsuaq sunniuteqartarpugut - pingaartumik inammillerneqarata kisiartaalluta ingerlataqarfitsinni. Taamatut inissisimanitsinni inuiaqatigiinni annertuumik akisussaaffeqarpugut.

Piginnaasaqarfivut suliaqarfivullu tunngavigalugit inuiaqatigiinni akisussaaqataanitsinni nunarsuaq tamakkerlugu anguniakkat ilaanni sisamanik ingerlataqarpugut: Peqqissuseq Atugarissaarnerlu, Ilinniartitaaneq Pitsaassusilik, Akisussaassusilimmik Atuineq Nioqqutitssiornerlu kiisalu Suleqatigiinnikkut Anguniagaqarneq

Taamatut eqqummaariffignilluni suliniuteqarniarnermi matuma kingorna taaneqartunik pingaarnersiuiffiussaaq:

Ateq	Immikkoortortaq akisussaasoq	Pingaarne rsiuineq
Nunarsuarmi anguniagaq 3 - Peqqissuseq Inuunerissuunerlu	Pisortaqatigiit allatseqarfiat	2
Anguniagaq 4 - Pitsaassusilimmik ilinniartitaaneq.	Pisortaqatigiit allatseqarfiat	2
Nr. 12 – Akisussaassuseqaertumik atuineq tunisassiornerlu	Pisortaqatigiit allatseqarfiat	2
Anguniagaq 17 – Suleqatigiinnikkut anguniagaqarneq	Pisortaqatigiit allatseqarfiat	2

